

PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
20 JANUARI 2021
RABU



AKHBAR

TAJUK BERITA

M/S

KOSMO

PENDUDUK GESA PIHAK BERKUASA SEGERA TANGANI MASALAH
SENGSARA HIDU BAU NAJIS

2



KOSMO

Penduduk gesa pihak berkuasa segera tangani masalah **Sengsara hidu bau najis**

Isu Setempat

Oleh SHARKAWI LONDING

JOHOR BAHRU – Kira-kira 150 penghuni kediaman di Lot 1970, Jalan Muafakat, Kampung Pasir Putih, Pasir Gudang di sini mendakwa hidup mereka sengsara kerana terpaksa menghidu bau najis dipercayai akibat saluran kumbahan premis perniagaan berdekatan yang tersumbat.

Seorang penduduk, Sazli Rapiq, 55, berkata, masalah yang dihadapi mereka bukanlah sesuatu yang baru, malah sudah sekian lama terjadi sejak tiga tahun lalu.

Menurutnya, saluran kumbahan dari premis perniagaan berdekatan kawasan perumahan mereka telah tersumbat sebelum pemilik kedai terbabit didakwa memotong batang paip saluran itu.

"Apabila paip sudah dipotong, segala kumbahan termasuk sisa-sisa buangan terus mengalir ke kawasan parit di sepanjang kawasan rumah penduduk di belakang premis terbabit.

"Bau air kumbahan itu menusuk hidung, kalau hujan pula, baunya kurang sikat sebab air mengalir laju, tetapi apabila tidak hujan, air yang bertakung mengeluarkan bau yang busuk.

"Kami bukannya orang senang, nak pindah pun kami tak mampu, terpaksa tahan bau busuk," katanya baru-baru ini.


Sazli mendakwa, penduduk sudah beberapa kali membuat aduan kepada pihak berkuasa tempatan (PBT) serta wakil rakyat, namun masalah itu belum



SAZLI (kanan) menunjukkan air kumbahan bertakung sehingga mengeluarkan bau di Kampung Pasir Putih, Pasir Gudang baru-baru ini.

dapat diselesaikan. Katanya, mereka juga kecewa dengan tindakan pihak yang mengambil jalan mudah menan-

gani masalah saluran kumbahan tersumbat dengan hanya memotong paip saluran itu dan seolah-olah lepas tangan seperti tiada



INILAH air kumbahan ini mengeluarkan bau busuk.

Apabila paip sudah dipotong, segala kumbahan termasuk sisa-sisa buangan terus mengalir ke kawasan parit di sepanjang kawasan rumah penduduk di belakang premis terbabit."

SAZLI

apa yang berlaku.

"Kami yang terpaksa menanggung sengsara, hidu bau najis, nak makan pun tidak selesai.

"Jadi, kami berharap pihak terbabit serta PBT mencari jalan penyelesaian yang terbaik agar masalah ini dapat diselesaikan sekali gus memberi kesejahteraan kepada penduduk setempat," ujarnya.

Kosmo, Rabu @ 20/01/2021

